

Saksprotokoll i Utval for kultur, idrett og regional utvikling - 13.11.2018

Kjell Håland (A) stilte spørsmål om han var inhabil fordi han er styremedlem i Bergen Nasjonale Opera.

Kari Foseid Aakre (A) stilte spørsmål om ho var inhabil fordi ho er styremedlem i Grieghallen AS.

Sara Hamre Sekkingstad (Sp) stilte spørsmål om ho var inhabil fordi ho er varamedlem i styret til Bergen Nasjonale Opera.

Geir Kjell Andersland (V) stilte spørsmål om han var inhabil fordi han er medlem i representantskapet i Bergen Nasjonale Opera.

Håland, Foseid Aakre, Hamre Sekkingstad og Andersland gjekk frå under vurderinga av spørsmålet om dei var inhabil.

Utval for kultur, idrett og regional utvikling vedtok samrøystes at Håland og Foseid Aakre var inhabil etter forvaltningslova § 6 første ledd bokstav e.

Utval for kultur, idrett og regional utvikling vedtok samrøystes Hamre Sekkingstad og Andersland ikkje var inhabil.

Håland og Foseid Aakre gjekk frå under behandlinga av saka medan Hamre Sekkingstad og Andersland tiltredde saksbehandlinga. Det var 11 representantar tilstades.

Røysting

Fylkesrådmann sitt forslag punkt 1 fekk 9 røyster (A, Sp, KrF, V, H) mot 2 røyster (FrP) og blei vedteke som innstilling til fylkesutvalet.

Fylkesrådmann sitt forslag punkt 2 var samrøystes vedteke som innstilling til fylkesutvalet.

Innstilling

1. Hordaland fylkeskommune løyver kr 500.000 til skisseprosjektet for Griegkvartalet. Midlane skal takast av fondsmidlane som var avsett til Fartein Valen-senter, disposisjonsfond 2560800403
2. Fylkesutvalet strekar under at denne løyvinga ikkje medfører bindingar for Hordaland fylkeskommune vedrørande framtidig finansiering ved eventuell realisering av tiltaket.